




Տնօրեն  Ա. Նազարյան  
  
Հաստատում եմ

Ստուգված է  տնօրենի տեղակալ՝ Յ.Ներսիսյան

Ստուգված է  տնօրենի տեղակալ՝ Գ.Գաջիյան

Ուսուցչի օգնական՝  Ա. Մանուչարյան

«ՀՀ Արարատի մարզի Մասիս քաղաքի Վահրամ Բաբայանի  
անվան

№2 հիմնական դպրոց» ՊՈԱԿ-ի

**Ուսուցչի օգնականի I-ին կիսամյակի  
հաշվետվություն**

2023-2024 ուսումնական տարի

# Աշխատանքի բովանդակությունը՝

## ըստ պաշտոնային նկարագրի

2023-2024թ. ուսումնական ընթացիկ տարվա սկզբին ուսումնասիրել եմ տարրական և միջին դպրոցի կրթության ուսումնական ծրագրերը, պետական չափորոշիչները առարկայական չափորոշիչները:

Ուսումնական տարվա 1-ին կիսամյակի սկզբին՝ մինչև սեպտեմբերի 1-ը մասնակցել եմ դասվարների, դասղեկների և առարկայական ուսուցիչների տարեկան թեմատիկ պլանավորումների կազմման աշխատանքներին՝ համաձայն պետական չափորոշիչների և առարկայական չափորոշիչների: Հաշվի են առնվել 1-4-րդ, 5-9-րդ դասարանների առարկայական ծրագրերի ակնկալվող վերջնարդյունքների ապահովումը: Աջակցել եմ ԱՌԻՊ-ի իրականացմանը՝ համագործակցելով սվյալ սովորողին դասավանդող ուսուցիչների, մանկավարժահոգեբանան աջակցության ծառայություններ տրամադրողների և ծնողների հետ: Աջակցել եմ կրթության առանձնահատուկ պայմանների կարիք ունեցող սովորողներ՝ I<sup>9</sup> դասարանի աշակերտ Կարապետ Ռշտունյանին, IV<sup>7</sup> դասարանի աշակերտ Դրամայան Նարեկին, VI<sup>3</sup> դասարանի աշակերտ Էդիտա Օհանյանին և VII<sup>10</sup> դասարանի աշակերտ Սարգսյան Նարինեին՝ ԱՌԻՊ-ով սահմանված գիտելիքների, կարողությունների և հմտությունների առնվազն պարտադիր նվազագույն պահանջների յուրացման գործընթացներում՝ կիրառելով դասավանդման արդյունավետ մեթոդներ և տեխնոլոգիաներ: Ըստ հաստատության տնօրինության և ուսուցչի կողմից առաջադրված նպատակի՝ I,<sup>9</sup> IV<sup>7</sup>, VI,<sup>3</sup> VII<sup>10</sup> դասարաններում իրականացրել եմ սովորողների ուսումնառության խնդիրների ուղղությամբ դիտարկումներ: Օժանդակել եմ բոլոր, ուսուցիչներին այդ թվում՝ կրթության առանձնահատուկ պայմանների կարիք ունեցող սովորողների համար ուսումնական նյութերի պատրաստման գործընթացում: Կատարել եմ դասալսումներ, դրանց վերաբերյալ կատարել եմ վերլուծություններ: Մասնակցել եմ ուսուցչի կողմից դասերի պլանավորման աշխատանքներին: Ուսուցիչների հետ միասին բացահայտել, դիտարկել, հետազոտել եմ սվյալ դասարանում սովորող երեխաների ուսումնառության գործընթացում արձանագրված, ուսումնական նյութի յուրացմանը խոչընդոտող բովանդակային և հոգեբանամանկավարժական խնդիրները: Նպաստել եմ սովորողների մեջ ինքնակառավարման տարրերի ձևավորմանը: Հարգել և պաշտպանել եմ սովորողի իրավունքներն ու ազատությունները, պատիվն ու արժանապատվությունը: Համագործակցել եմ գործընկերների հետ՝ փորձի փոխանակման և մասնագիտական գործունեության արդյունավետության բարձրացման նպատակով: Մասնակցել եմ հաստատության մեթոդափոխումների (առարկայական մասնախմբերի)

աշխատանքներին: Պահպանել եմ ուսումնական հաստատության կանոնադրությամբ, ներքին իրավական ակտերով և կարգապահական կանոններով սահմանված պահանջները: Յուրաքանչյուր սովորողի համար պետական կրթական չափորոշիչներին համապատասխան կազմել եմ ԱՌԻՊ՝ դիտարկման և գնահատման արդյունքների հիման վրա: ԱՌԻՊ-ը կազմել եմ ներառական կրթությանն աջակցող մասնագետների կողմից՝ ուսուցիչների և ծնողների մասնակցությամբ: Տարրական դպրոցի համար աջակցել եմ դասվարներին և առարկայական ուսուցիչներին ԱՌԻՊ-ով սահմանված հետևյալ նպատակների իրագործմանը՝ սովորողի մտավոր, հոգևոր և ֆիզիկական կարողությունների, լեզվամտածողության, գրագիտության, տրամաբանության հիմքերի և աշխատանքային նախնական հմտությունների ձևավորմանը:

I<sup>4</sup> դասարանում իրականացված դիտարկման ընթացքում ուսումնասիրել եմ **Ռշտունյան Կարապետին**: Դասվար Ա.Սահակյանի հետ միասին կատարած աշխատանքի արդյունքում հասել ենք նրան, որ նա ադապտացվել է դպրոցին: Սեպտեմբերի 15-ից սկսած երեխան դասերին մասնակցել է առանց մայրիկի աջակցության: Կարապետը կարողանում է թվարկել տարվա եղանակները, ամիսները, գույները, միրգ, բանջարեղեն, ընտանի և վայրի կենդանիները: Գիտի իր անուն ազգանունը: Ճանաչում է թվերը, տարբերում է թվերը տառերից: Կատարված աշխատանքի արդյունքում հասել ենք նրան, որ երեխան ճանաչում է տառերը, կարողանում է կազմել պարզ բառեր, կարդալ նախադասություններ: Գրիչը բռնում է իրեն հարմար ձևով, կատարում է անկանոն խզրզոցներ, ցանկության դեպքում կարողանում է գրել տառեր, կամ արտատպել պարզ բառեր: Մտածողության տեմպը դանդաղ է: Տրված առաջադրանքները կատարելու համար անհրաժեշտ է հրահանգը կրկնել և պարզեցնել: Կարապետի խոսքը զարգացած չէ տարիքին համապատասխան: Ցանկությունները արտահայտում է մի քանի միավանկ բառերի և ձայնարկությունների միջոցով: Կարապետը հիմնականում փորձում է ինքնուրույն, առանց մեծահասակին դիմելու լուծել իր խնդիրները, սակայն երբ չի կարողանում ճիշտ բռնել գրիչը, մատիտը, կարող է դիմել մեծահասակի օգնությանը, իրեն հատուկ ձևով՝ ձեռքից բռնած տանում է դեպի ցանկալի առարկան, երբեմն ասում է բառերով: Գրելիս կարողանում է պահպանել տողի սահմանը:

**Դրամայան Նարեկի** հետ աշխատանքի արդյունքում դասվար Է.Ղուրուխյանի հետ միասին հասել ենք նրան, որ երեխան կարողանում է կատարել ծրագրով նախատեսված աշխատանքները մեծահասակի խոսքային ուղղորդմամբ: Նարեկը կարողանում է իրեն հետաքրքրող գործողության վրա ուշադրությունը պահպանել, սակայն արագ հոգնում է, արտաքին ազդակներից արագ շեղվում: Ճանաչում է տառերը, հաճախ շփոթում է միանման տառերը, կարդում է տառ առ տառ, ամբողջացնում պարզ, միավանկ բառերը և կարդում դրանք: Բազմավանկ բառեր կարդալու համար անհրաժեշտ է մեծահասակի

զգալի աջակցություն:Նարեկը կարողանում է արտատպել տառերը, սակայն հաճախ մոռանում է տառի գրաֆիկական պատկերը: Գրելիս չի կարողանում պահպանել տողի սահմանը և միջբառային հեռավորությունը: Թելադրություններ գրելիս անհրաժեշտ է մասնագետի խոսքային ուղղորդում: Ճանաչում է միանիշ թվերը, կարողանում է կատարել առարկայական հաշիվ, սակայն շփոթում է մաթեմատիկական նշանները, մեծահասակի զգալի աջակցությամբ կարողանում է կատարել միայն մաթեմատիկական պարզ գործողություններ: Երկարատև աշխատանքի արդյունքում հասել ենք նրան, որ երեխան կարողանում է ձևակերպել իր մտքերը,գաղափարները, կարողանում է լուծել պարզ տրամաբանական խնդիրներ, առաջադրանքներ, կատարել թեմատիկ առաջադրանքները մեծահասակի հսկողությամբ:

VI դ դասարանում իրականացրած դիտարկման ընթացքում ուսումնասիրել եմ **Օհանյան Էդիտային**, ում մոտ նկատվել է դժվարություններ ուսումնական գործընթացում գրեթե բոլոր առարկաներից և ունի մշտական օգնության կարիք: Դասղեկ Մանուկյան Թ.-ին և առարկայական ուսուցիչներին աջակցել եմ գործնական աշխատանք կազմելիս և աշակերտի հետ լրացուցիչ աշխատանքներ տանելու հարցում: Օհանյան Էդիտայի հետ աշխատանքի արդյունքում հասել ենք նրան, որ երեխան կարողանում է կատարել ծրագրով նախատեսված պարզագույն առաջադրանքները: Կարողանում է կենտրոնացնել ուշադրությունը , սակայն շուտ շեղվում է արտաքին ազդակներից: Կարողանում է հիշել և վերարտադրել առօրյայում իր համար կարևոր տեղեկատվությունը, սակայն ուսումնական նյութը հիշելիս առաջ են գալիս դժվարություններ: Կատարված աշխատանքի արդյունքում հասել ենք նրան, որ երեխան ճանաչում է տառերը, երբեմն շփոթում է միանման տառերը,կարողում է դանդաղ տեմպով , դժվարությամբ է կապակցում: Էդիտան կարողանում է գրքից կատարել փոքրիկ տեքստային արտագրություններ, ճանաչում է տետրի տողի սահմանը, սակայն դժվարանում է գրել թելադրություն: Մաթեմատիկական հմտությունները զարգացած չեն տարիքին համապատասխան: Երեխան ճանաչում է թվերը 50-ի սահմանում, սակայն կարողանում է կատարել հաշվարկ 10-ի սահմանում: Չի կարողանում լուծել պարզ մաթեմատիկական վարժություններ և խնդիրներ, իրականացնել կարգային անցումներով գործողություններ: Կատարված աշխատանքի շնորհիվ երեխան սովորել է 1-ի բազմապատկման աղյուսակը: Խոսքը զարգացած է տարիքին համապատասխան, այն օգտագործում է որպես հաղորդակցման միջոց: Չունի հնչյունահնչությային դժվարություններ:

Սովորողը կարողանում է սկսել, շարունակել և ավարտին հասցնել զրույցը, սակայն անհրաժեշտ է մեծահասակի խոսքային ուղղորդում զրույցի ընթացքը պահելու համար: Հարցերին տալիս է պարզ, ոչ լիարժեք պատասխաններ: Անձանոթ մեծահասակների և հասակակիցների հետ հարաբերություններ հաստատելիս նախաձեռնողականություն չի ցուցաբերում, երբեմն կարող է դրսևորել կամակոր վարքագիծ, սակայն մեծահասակի աջակցությամբ կարողանում է դուրս գալ իրավիճակից և հարմարվել նոր միջավայրին: Շփման ընթացքում պահպանում է սոցիալական նորմերին համապատասխան վարվեցողության կանոնները: Խիստ անհրաժեշտության դեպքում դիմում է իրեն ծանոթ և վստահելի մեծահասակին:

**Սարգսյան Նարինեի** հետ աշխատանքի արդյունքում դասղեկ Ա.Գրիգորյանի հետ

միասին հասել ենք նրան, որ երեխան ուսուցման գործընթացում չունի նկատելի դժվարություններ, կարողանում է ինքնուրույն կատարել տրված առաջադրանքները, թեմատիկ աշխատանքները: Սովորողը կարողանում է ինքնուրույն տեղեկություններ հավաքել տրված թեմայի շուրջ, պատասխանել ով, ինչ հարցերին: Կարողանում է ինքնուրույն կենտրոնացնել ուշադրությունը տրված առաջադրանքի կատարմանը և ավարտին հասցնել այն: Նարինեն հասկանում է իրեն ծանոթ պարզ և բարդ իրադարձությունների հաջորդականությունը , պատկերացնում է պատճառահետևանքային կապերը: Կարողանում է տրամաբանել , դատողություններ անել: Երեխան գրաճանաչ է , կարողանում է վարժ կարդալ տրված նյութը և պատասխանել կարդացած նյութի վերաբերյալ հարցերին: Կարողանում է գրել պահպանելով միջբառային և միջտողային հեռավորությունները, կազմել և գրել նախադասություններ , թելադրություններ: Սովորողը ճանաչում է երկնիշ և եռանիշ թվերը, կատարում է գումարման և հանման գործողություններ և կատարում է կարգային անցումով մաթեմատիկական գործողություններ: Անծանոթ հասակակիցների և մեծահասակների հետ շփման ժամանակ ցուցաբերում է կաշկանդվածություն, շփման ընթացքում շուտ ձանձրանում է: Սովորողը կարողանում է ինքնուրույն սկսել, շարունակել և ավարտին հասցնել զրույցը: Ինքնուրույն մասնակցում է քննարկմանը, արտահայտում իր տեսակետը տվյալ հարցի շուրջ, հիմնավորում այն: Սովորողը կարողանում է դպրոցում ուսուցիչների, մասնագետների և աշակերտների հետ հարաբերություններ հաստատել , սակայն ստեղծված հարաբերությունները պահպանում է միայն դիմացինի նախաձեռնությամբ՝ մասնագետի խոսքային ուղղորդման դեպքում: